

聖宋名賢五百家播芳大全文粹

三十四

聖宋名賢五百家播芳大全文粹卷第七十八
樂語

御宴

聖節 皇子降生

集英殿乾元節大燕教坊致語

王

岐公

臣聞帝乘離火應赤符誕聖之期雲上需天啓祕殿示慈之會橫
九門之協氣沸万王之懽聲普祝脣齡樂逢華旦伏惟 皇帝至
仁天冒盛德日躋御堯屋以非心降禹車而泣罪儲精峻庶安行
帝道之常收眡遠流坐照物情之隱妙元功而不宰暢偉蹟以無
前適丁震夙之期肇戒清和之候月維幾望風自南薰雲覆翠
華天臨煥幄拭玉來寶鄰之使充庭旅絕域之苛稱万壽之無疆
歌太平之既醉七百年肇乎卜世自符周歷之長八千歲始以爲
春更越莊椿之固巨等謬參法部獲叩宸墀不度辱封才敢進口号
清蹕傳音紫禁來逡巡万玉擁鈞臺南山鎮地符宸筭北斗傾霞
入宴杯鎬飲篇中魚演漾虞韶聲裏鳳徘徊年年赤帝乘離月長
見雲龍帳殿開

勾合曲

方春介壽方稱漢殿之觴百辟均懽正協舜琴之曲宜廣備奏參
扨太和上擇皇情教坊合曲

勾小兒隊

玉宇風微覺纖埃之不動金徒漏緩知瑞旭之初長堯樽纒泛於
九霞禹會正趨於万玉且詔髣髴之侶來陳舞羽之容上悅天顏
教坊小兒入隊

隊名

仙曲聞韶後

童裳舞勺初

問小兒

祥鳳傾梧帝所殆非於人世恩魚泳藻皇慈適浹於臣心何緣青
佩之群得造赤墀之地整鮮巾而照爛儼長袖以舒徐必有從來
雍容敷奏

小兒致語

臣聞周雅万年薦自天之時福堯封三祝感及物於君仁適臨出
震之辰爰紀乘離之月敞大庭而肆宴浹罄宇以均休伏惟 皇
帝握斗披元撫辰凝治雷霆早號一鼓舞於群生雲漢睿章共昭
回於上象納民富壽措國盈成滯穗餘糧已溢農疇之望祥圖瑞
牒弗停史筆之書今此素魄將盈赤精甫燭盛蒲魚之樂飲洽華
鹿之歡心陋唐節之千秋或虧誦聖盡禹朝之万国咸走賓王同
輸就日之誠共禱後天之筭臣等佩觿弱齒秉翟微蹤偶祇召於
中宸願呈儀於丹祀進慙薄技仰侑皇情未敢自專伏候進止

勾雜劇

踰蹀長袖適停逸綴之文曼衍都場未盡多歡之具宜薦滑稽之
戲以資愷樂之情徐韻宮商雜劇來敷

放小兒

舞茵徹繡暫收畫鼓之聲宴竿浮香漸轉綠槐之影歌沛風而甫
歌詠沂水以將歸再拜天階相將好去

勾女弟子

華簪拱極黼坐當陽幸天地之同符復君臣之共樂雖喜天杯之
泛未呈風袖之妍宜按籍於梨園俾薦權於錦邑速進鸞鴻之態
來參翔鳳之儀上奉天顏兩軍女弟子入隊

隊名

神樞標慶誕

仙綴侑皇醺

問女弟子

帝幄天高人寰升隔鶴鷺之群下集魚龍之戲前陳何巫山行雨
之蹤肆洛浦凌波之步輒離雲島直叩天階必有剖陳雍容敷奏

女弟子致語

妾聞少皞膺符紀華渚流虹之異商王受命羨皇穹降駟之祥備
上聖之挺生當南訛之肇序三靈擁祐諸福叢休對蒸雲復旦之
期廣湛露晞陽之溼著爲盛節永屬熙朝伏惟 皇帝躬攬乾綱

心遊道祕迪一祖二宗之訓同三王四代之符偃然一函夏之歸
坐以須大昕之且康功即底墜典交修內則文物盈廷躋聲華於
治古外則謳歌載路樂富庶於多方聿臨載誕之辰普祝無疆之
慶霽皇慈於醵飲徹霄極以嵩呼北辰受衆星之環長居紫禁南
極觀老人之見永輔丕圖妾等謬齒仙場幸逢聖旦願應鏗純之
節暢陳蹈厲之容未敢自尊伏候進止

勾雜劇

天儀有穆星弁無譁顧宜舜之去周慮歡衿之未洽宜薦邯鄲之
笑以參平樂之嬉徐韻金絲雜劇來歟

放女弟子隊

肅又都場九奏之仙韶終曲耿耿廣殿万年之嘉樹移陰蓬島路
遐瑤池日晚徹繡茵而浪卷振綵袂以風翔再拜天堦相將好去

興龍節大燕教坊致語

蘇子瞻

天所眷命生而神靈惟三代受命之符萃于茲日實万世無疆之

方七十八

三

四

福延及我民候南極之祥輝交北鄰之瑞節同趨鎬燕爭頌堯封
恭惟陛下稽古溫文秉乾剛粹躬生知而猶學藏妙用於何言故
得六聖承休三靈眷佑德降星畧齊六符而泰階平河行地中錫
九疇而彝倫正屬誕彌之令旦履長發之嘉祥夙設九賓於廷遍
舞六成之樂日無私於臨照葵藿自傾天有信於發生勾萌必達
臣等濫塵法部獲造丹墀下採民言得三万里之謠頌登歌壽筭
以八千歲為春秋不度蕪音敢進口號

風卷雲舒合兩班瞳瞳瑞日映天顏觀書已獲千秋鏡積德長為
万歲山臘雪未消三務起壬人不用五兵閑相逢父老爭相賀却
笑華胥是夢間

勾合曲

笙磬同音考中聲於神瞽鳥獸率舞絃和氣於敷天上奉宸歡教
坊合曲

勾小兒隊

衆技旌庭振歡聲於無外游童頌聖陶至化於自然上奉皇威教
坊小兒入隊

隊名

壤歌皆白髮

象舞及青衫

問小兒隊

跳踉廣陌初疑竹馬之游合散彤墀忽變驚鴻之狀欲知來意宜
采敷陳

小兒致語

流虹啓聖非人力所致之符湛露均恩與天下共享其樂旁行海
宇外薄戎夷咸欣載夙之辰共獻無疆之祝恭惟皇帝陛下神武
不殺將聖多能天生德於予既稟徇賢之質人樂告以善輔成經
緯之文法慈儉於東朝綉詩書於西學載臨誕日俛咨輿情非爲
靡曼之觀庶備太平之福臣等樂生齟齬學樂父師就列紛紜雖
無殊於鳥獸赴音俛仰亦少效於涓塵未敢自專伏候進止

方七十八

甲

勾雜劇

樂且有儀方君臣之相悅張而不弛豈文武之常行欲佐歡聲宜
陳善謔金絲徐韻雜劇來敷

放小兒隊

末技畢陳下情無壅旣成文於綴兆猶歛袂以回翔再拜天階相
將好去

勾女童隊

飛步壽山起香塵於羅襪散花御路泛回雪於錦茵上奉宸顏兩
軍女童入隊

隊名

生商來瑞乙

浴佛降羣龍

問女童隊

玉座天臨雖仙凡之有隔翠鬢雲衣豈草木之無知密迹天階悉
陳來意

女童致語

妾聞千里一曲變澄瀾於濁河方歲三稱隱歡聲於靈岳天人並
應夷夏來同雖云北里之微敢獻華封之祝恭惟皇帝陛下睿文
冠古神智無方同堯舜之性仁而能濟衆陋成康之刑措猶待積
年共逢建丑之正再覩興龍之會桑田東海傾壽筭而未乾汗竹
南山書頌聲而無極妾等幸緣賤藝獲望威顏振萬于庭欲赴干
旄之節問歌以雅庶諧笙磬之音未敢自專伏候進止

勾雜劇

舞綴暫停歌鍾少闕必有應諧之妙以資載笑之歡上悅天顏雜
劇來數

放女童隊

振袂再成曲盡回風之妙分庭又立漸移愛日之陰再拜天堦相
將好去

聖節大燕教坊致語

蘇子瞻

帝武造周已兆興王之迹日符祚漢實開受命之祥非天私我有
邦推聖乃作神主仰止誕彌之慶集于建丑之正瑞玉旅庭爰講
北鄰之好虎臣在泮復通西域之琛式燕示慈與人均福恭惟皇
帝陛下睿思冠古睿哲自天煥乎有文日講六經之訓述而不作
思齊累聖之仁夷夏宅心神人協德卜年七百方過曆以承天有
臣三千咸一心而戴后彤庭振萬玉座傳觴誦干戈再戢之詩作
君臣相悅之樂斯民何幸白首太平臣猥以微生親逢盛旦始慶
猗蘭之會願賡擊壤之音下採民言上陳口號

凜凜重瞳日月新四方驚喜識天人共知若木初升旦且種蟠桃
莫計春請吏黑山歸屬國給扶黃髮拜嚴宸紫白雁在紅雲裏試
問清都侍從臣

勾合曲

祝堯之壽既罄於歡謠象舜之功願觀於備樂羽旄在列管磬同
音上奉宸嚴教坊合曲

勾小兒隊

魚龍奏技畢陳詭異之觀齟齬成童各效回旋之妙嘉其尚幼有此良心仰奉宸慈教坊小兒入隊

隊名

兩階陳羽籥

萬國走梯航

問小兒隊

工師在列各懷自獻之能侷子盈庭必有可觀之技未知來意宜悉奏陳

小兒致語

生民以來未有祖宗之仁厚上帝所眷錫以聖神之子孫孚佑下民篤生我后瞻舜瞳之日月望堯顙之山河若帝之初達四聰於無外如川方至傾万宇以來同恭惟皇帝陛下齊聖廣淵剛健篤實識文武之大者躬仁孝於自然歌詩思齊見文王之所以聖誦書無逸法中宗之不敢康誕日載臨輿情共祝神筮授萬年之筭

方孝十八

六

洛書開五福之祥臣等嬉遊天街沐浴皇化欲陳舞蹈之意不知手足之隨未敢自專伏取進止

勾雜劇

金奏鏗純既度九韶之曲霓裳合散又陳八佾之儀舞綴暫停伶優間作再調絲竹雜劇來歟

放小兒隊

游童率舞遂物性之熙怡小技畢陳識天慈之廣大清歌既闋擊鼓屢催再拜天階相將好去

勾女童隊

垂鬟在列斂袂稍前豈知北里之微敢獻南山之壽霓旌全集金奏方諧上奉威顏兩軍女童入隊

隊名

君臣千載遇

歌舞八風同

問女童隊

摻過屢作旌夏前臨顧遊女之何能造形庭而獻技欲知來意宜
悉奏陳

女童致語

妾聞瑞乙來翔共紀生商之兆羣龍下集適同浴佛之辰佳氣充
庭和聲載路輦出房而雷動扇交翟以雲開喜動人天春還草木
恭惟皇帝陛下凝神昭曠受命穆清三后在天宜興王之世有四
人迪哲知享國之無窮乃眷良辰欲均景福庭設九賓之禮樂歌
四牡之章妾等幸覲昌期獲瞻文陛雖乏流風之妙願輸率舞之
誠未敢自專伏候進止

勾雜劇

清淨自化雖莫測於辰心談笑雜陳示俛同於衆樂金絲再學雜
劇來歟

放女童隊

分庭久立漸移愛日之陰振袂再成曲盡回風之態龍樓曲望鼉
鼓屢催再拜天階相將好去

坤成節大宴教坊致語

蘇子瞻

視履考祥既占秉月之夢對時育物必有繼天之功方大火之西
流屬陰靈之既望帝於是日誕降仁人意使斯民咸歸壽域共慶
千年之遇得生二聖之朝式宴示慈與民同樂共推皇帝陛下文
思天縱睿哲生知力行禹湯之仁常恐一夫之不獲躬蹈曾閔之
孝故得萬國之歡心恭惟太皇太后陛下道契天人德超載籍知
人則哲蓋帝堯之所難修已安民雖虞舜其猶病風雲從而万物
觀日月照而四時行自然動植之咸安莫知天地之何力三宮交
慶群后駿奔寶鄰通四牡之歡航海致重譯之贖洞庭九奏始識
咸池之音靈岳三呼共獻后天之祝臣等叨居法部輒採民言上
瀆宸聰敢陳口號

三朝遺老九門前又見承平大有年文母憂勤初化俗曾孫仁孝
已通天史書元祐三千牘樂奏坤成第篇欲採蟠桃歸獻壽詩逢

萊清淺半桑田

幻合曲

秋風協應生殿閣之微涼廣樂具陳韻金絲而間作欲觀鳥獸之
率舞願聞笙磬之同音上奉宸顏教坊合曲

幻小兒隊

朱干玉戚本以象功白叟黃童皆知頌聖蓋命髮髦之侶來陳舞
勺之儀上侑皇歡教坊小兒入隊

隊名

願同千歲樂

長奏太平謠

問小兒隊

鎬京廣燕芳雲集於摺紳沂水游童忽鳥趨於庭廡雖去小技必
有可觀咫尺天顏悉言汝志

小兒致語

功存社稷慶鍾高密之門澤及本支天祚太任之德候西風之入

方之十八

八

律藹瑞氣之盈庭嘉與四方同稱萬壽恭惟皇帝陛下文思稽古
濬哲在躬日奉東朝之歡率用家人之禮以謂慈儉之化無德而
能名保佑之功如天之難報惟流傳於歌舞庶髮髦其儀刑臣等
雖在弱齒久陶孝治敢率垂髫之侶共陳振萬之儀未敢自專伏
取進止

幻雜劇

鸞鳥旗日轉雉扇雲開暫回綴兆之文少進俳諧之技來陳善戲以
佐歡聲上樂天顏雜劇來歟

放小兒隊

青衫旅進雖末技而畢陳黃屋天臨知下情之無壅旣成文於綴
兆爰整袂以徘徊再拜天階相將好去

幻女童隊

彤壺漏箭隨雞唱以漸移絳節綵髦聞鳳簫而自舉宜召散花之
侶來陳回雪之姿上奉宸歡兩軍女童入隊

隊名

金風回翠袖

玉璫倚清歌

問女童隊

鳳歌詩律方資燕俎之歡鷺羽分庭忽集壽山之下低鬟有待振袂欲前客迹天階悉陳來意

女童致語

塗山啓夏來玉帛於萬邦摯仲興周祚本支於百世嘉辰共樂壯觀一新恭惟皇帝陛下舜孝自天堯仁浹物膺昊穹之成命席累聖之詒謀惟地勢坤永載無疆之德以天下養躬持胥樂之觴六樂在庭百工奏技妾等親逢盛旦獲望嚴宸藝雖愧於鷺鴻心已先於儀鳳願陳舞綴上奉天顏未敢自專伏取進止

勾雜劇

風清羽蓋日轉槐庭欲負載笑之歡必有應諧之妙暫回舞綴少進詠辭上悅天顏雜劇來歟

放隊

八音間作既成繳繹之文萬舞畢陳曲盡回翔之態望彤闈而却立歛翠袂以言歸再拜天墀相將好去

壽寧節大燕教坊致語

揚

大年

龜負稊而龍薦圖神告九平之兆雷繞樞而虹流渚天開上聖之祥頡頏象於四夷混車書於萬國南面遂有年之望東風諧入律之占仰象魏以駿奔咸抱祝堯之志啓栢梁而高會式敷在鑄之恩伏以皇帝陛下寅奉上玄恭臨下土躬禹湯之勤儉躬堯舜之聰明宵分而未輟觀書日旰而猶勤聽政文德舉素王之教兵機受玄女之符百代之間周知其損益千里之外遙制於便宜群臣莫望於清光列辟盡懷於慚德矧復四時大順万物由庚春蠶動翻飛俱入華胥之國流沙若木悉歸輿地之圖五稼咸登三邊不聳鮐背鶴髮但擊壤以謳歌猿飲鳥言競梯山而貢獻加以德音不布玉澤四流化行若神民望如草露晷褰幃之吏盡畏簡書耕田

擊井之人皆知帝力而猶卑官克己側席求賢推仁必及於豚魚
擢善罔貴於管蒯文物聲明而大備憲章典故以交修方將勤百
萬之兵上陰山而刻石具三千之禮登日觀以泥金告天地以成
功播古今之能事今者就盈良月誕聖嘉辰玉燭再調珠躔式序
五方異俗來奔走以求王三事大夫共歡呼而上壽初日沉露盤
之色微風飄天籟之音人神克諧朝野相慶咸祝南山之筭同瞻
北極之尊臣等幸列明庭親逢廣晏叨居樂部已慙師邑之賤工
俯繼頌聲然愧巴人之濫唱豈敢形容於盛德庶期導達於下情
不揆非才輒獻口號

曉開闔闔宴公卿瑞氣氤氳覆紫庭具闕乍疑塵外見鈞天猶似
夢中聽雲間高捧三危露階畔全開七葉賞萬國衣冠祝堯壽煌
煌南極老人星

教坊合曲

金奏初陳衢樽乍汎愛景上延於黃道祥雲下覆於紫庭物色澄
鮮天心悅豫幸當宴錫同祝堯年上悅龍顏教坊度曲

勾舞僮

嘉宴方酣清商玉闕忽翠旌而前引儼蜺帔以成行無非綽約之
仙姿欲獻波委委之妙舞仰資睿筭用慶佳辰再韻官商教坊小兒
入隊

隊名

千秋逢令節

三殿宴群臣

問舞僮

新衣楚楚有雲羅霧縠之奇長袖翩翩盡回雪流風之妙既呈絕
技合祝皇明主自一人分明敷奏

舞僮白語

三靈睠命方開上聖之祥萬寓歡心適被至仁之化爰屬綺蘭之
慶載敷淇露之恩伏以皇帝陛下執左契以臨人用大鈞而播物
懸憲章於象魏宣教化於辟雍霜露所均盡為內地舟車不及咸

作外臣四方無金革之憂乃并有絃歌之樂而又勤勞庶政憂恤
承民廟堂皆邠魏之賢方面盡韓鼓之將百官承式六府孔修藏
珠玉於山川式表還淳之理銷劍戟為耒耜克彰務本之仁載隆
盤石之基俯會流虹之節魚龍百戲競傳西域之風鴛鴦下官共
祝南山之壽臣等俱慙幼稚幸偶升平輒陳下俚之音仰祝後天
之筭伏取進止未敢自專

勾雜劇

清歌激越方過於行雲妙舞婆娑乍迴於飛雪祝聖心之既切觀
盛之事難忘上悅天顏雜劇來耶

放舞僮隊

宴開百殿飛三竿以方深樂闋賞皆滴銅壺而漸久共祝後天之
筭同傾向日之誠再拜瑤階相將好去

集英殿皇子降生大燕教坊致語

王 岐公

伏以曾觀占雲適紀新陽之應震宮主營早開皇序之祥况寶歷

五

廿

十一

乙

之逢熙復辰居之乘豫特頒廣燕用飾多驩恭惟皇帝德邁往初
仁漸動植虎旗犀甲韜兵於武庫之中桂海冰天獻壽於彤墀之
休祥兆於君德寒律變為春和淡嘉氣於神都列芳筵於祕殿下
珍群之鵷鷺發和奏之笙鏞於時日上扶桑風生廣莫度芝蓋於
丹城降金輿於紫闈百獸感和率舞帝虞之樂群生遂性如登老
氏之臺固已追平樂之勝遊播栢梁之高會臣謬參法部獲望清
光靡揆才荒敢進口號

忽覺祥煙繞禁門寶慈宮裏見皇孫便令三洞張鈞樂直許千官
醉御樽未曉清風生殿閣經旬赤氣射乾坤須知此會非常有遙
看天顏一倍溫

勾合曲

霞泛帝觴凝三微之協氣星聯朝弁燦初日之祥暉方魚藻以均
歡且蕭韶之合奏宸遊正洽樂節徐行上奉天顏教坊合曲

勾小兒隊

燕觴飛羽方歌湛露之詩廣樂擬金已極鈞天之奏宜命遊童之
侶來陳舞佾之容上奉皇慈教坊小兒入隊

隊名

遊童春自舞

儀鳳曉先鳴

問小兒隊

宸廷廣御仰侔太極之躔鈞樂更和曲盡咸英之奏何處采髦之
侶輒趨文陛之前必有所陳雍容敷奏

小兒致語

臣聞舜帝仁深衆極慕羶之樂周家德盛時歌在藻之娛屬紹美
於皇圖早發祥於甲觀且錫霈雲之宴用均浹宇之歡恭惟皇帝
躬上主之資撫中天之運禮樂兼三王之備文章邁兩漢之隆矧
乃武庫韜戈戎亭撤候百蠻奔走南踰銅鼓之鄉万里謳謠西出
玉關之路今則陽生寶燭陰謝窮郊麗日重輪已應千齡之瑞條
風入律更明万物之華方玉笋之交飛復朱絃之遞奏群情大洽
勝會難儔臣等雖在童髦豈異舞干之妙輒趨君陛願隨樂節之
行未敢自專伏候進上

勾雜劇

華旌佖影觀童舞之文畫鼓收聲識鈞音之終曲助以優場之伎
浹于燕席之歡上懌宸顏雜劇來歟

放小兒隊

銅壺遞箭屢移宮幄之陰鷺羽充庭久曳童髦之采旣闕韶音之
奏難停舞綴之容再拜天階相將好去

勾女弟子隊

華筵召席再嚴百辟之趨寶幄更衣復覩中天之坐宜度仙韶之
曲更呈舞袖之妍上奉皇慈兩軍女弟子入隊

隊名

王調歌管脆

雪入舞腰輕

問女弟子隊

金銜綬箭前延麗日於壺中翠羽飛觴醉流霞於天上何仙姿之綽約叩丹陛以踟躕須有剖陳近前敷奏

女弟子致語

伏以位符蒼震屬元子之膺祥歌起盛周見群臣之合好矧方幾之多豫誠千載之一時共樂熙辰用恢勝矩恭惟皇帝嚮明紫極儲思巖節邁三皇五帝之風繼一祖四宗之列候亭相屬不齊萬里之糧年稟屢登又美曾孫之稼時及新陽之復早逢重日之暉廣慈惠於前王慶休華於茲且玉觴盈醴均流湛露之恩翠虞鳴鍾合奏洞庭之曲帝所之歡未極壺中之景初長妾等幸逢盛期獲塵法部側聽鈞音之節來參妙舞之容未敢自專伏候進止

勾雜劇

鸞拂宮茵極七盤之妙舞鳳儀仙曲終九奏之和聲方鎬飲之窮歡且泰優之進伎宸顏是奉雜劇來獻

放女弟子隊

宮花剪綠恍疑天上之春海日銜規忽覺人間之暮且整羽衣之綴却還蓬島之遊再拜彤庭相將好去

聖宋名賢五百家播芳大全文粹卷第十九

樂語

御宴

正旦

正旦大宴教坊致語

蘇

子瞻

行夏之時正莫加於人統採周之舊王方在於錫京惟吉月之布
和休廢工而未作使華遠集鄰好交修萃簪笏於九門來車書於
万里將興嗣歲以樂太平共惟皇帝陛下躬履至仁誕膺眷命法
天地四時之運民日用而不知傳祖宗六聖之心我無爲而自化九
德咸事三年有成始御八音之和以臨元日之會人臣相慶夷夏
來同臣等忝與賤工得親壯觀知輿情之願頌顧盛德之難形不
度荒蕪敢進口號

九霄清蹕一聲雷萬物欣榮意已開曉日自隨天仗出春風不待
斗杓回行看實葉催耕籍共喜椒花映壽杯欲識太平全盛事師
師鷓鴣鷺滿雲臺

勾合曲

東風應律南籥帶在庭饑臘迎春方慶三朝之會登歌下管願闋九
奏之和上悅天顏教坊合曲

勾小兒隊

工師奏技咸踴躍以在庭揮孺聞音亦回翔而赴節方洽其樂豈
間微情上奉宸歡教坊小兒入隊

隊名

仙山來絳節

雲海戲群鴻

問小兒隊

六樂充庭九賓在列何彼垂髫之侶欲陳振袂之能必有來誠少
前數奏

小兒致語

正月上日萬彙所以更新群臣嘉賓四方於是觀禮雪方占於上
瑞風已告於先春及此良辰設爲高會共惟皇帝陛下千來九有

天覆兆民煥乎其有文章昭然若揭日月安西都護來輸八國之琛南極老人出效万年之壽還圭璋於鄰使受圖籍於春朝擊石攬金奏鈞天之廣樂跳九舞索戲平樂之都場臣等沐浴太平詠歌新歲鼓舞咸韶之韻踴揚鳥獸之間未敢目專伏候進止

勾雜劇

以雅以南既畢陳於衆技載言載笑期有悅於威顏舞綴暫停優詞間作金絲徐韻雜劇來與

勾小兒隊

酒蘭金殿既均湛露之恩漏減銅壺曲盡流風之妙望彤墀而申祝整翠袖以言歸再拜天墀相將好去

正旦大宴教坊致語

宋 子京

瑞管開華允集春朝之慶寶圭修好用交鄰國之歡秉節物之載陽均宴慈而飾喜群情胥洽盛際難諧代惟尊號皇帝陛下誕受瑤圖丕承駿命右人文而徇鐸偃神武以止戈百穀順成東戶之

方之十九

二

前

餘糧在畝二儀欣合甘泉之衆瑞如山乃至刑措園扉仁孚行葦湛安瀾而有謚廓壽域以無疆眷言韶箴之初兼重使華之享天臨黼座星拱翠蕤治世諧音並奏承雲之曲仙侶騁妙爭趨平樂之場天酒流甘君庖飲美玉宇來風而增麗金徒抱箭以方徐紛湛露於加蓬藹藹而雲於設席臣幸觀鵠飲均抃堯仁雖愧匪才敢進口號

歷啓新年藹萬祥詔開慈宴順三陽紫雲度曲調天樂北山回於揖壽觴帝澤普臨春自暖人心歡極日先長牝主講好多儀備永奏威顏對未央

勾合曲

天華玉色方愷樂以推恩鷺羽鴻儀儼雍容而在列式順九陽之令宜陳四上之音徐韻宮商教坊合曲

勾小兒隊

靈屏昭坐辟丹地之織塵朱路駕俄軒促華庭之疊鼓且命垂鬢之

列並呈投袂之妍上悅天顏教坊小兒入隊

隊名

游童歌美化

善舞慶豐年

問小兒

翩翩矩步粲粲華衿諒非舞勺之儔容是浴沂之侶既造庭而就綴盍駐籥以陳辭少進天階雍容敷奏

小兒致語

上日開春舉會同之盛典馳軺展轡重南北之歡心喜聘禮之斯成祈宴賓而胥樂辰居秘殿霧集葉簪導叶氣以乘時昭亨期之累盛伏惟尊號皇帝陛下文思邁古濟折當天乾坤不宰以為功日日常新而啓旦梯山航海藹遐裔以同歸溫洛榮河擁鴻休而有煥屬以蘭風改昉實朔吉祥暢勾萌必達之宜當慶賜遂行之始羽觴玉斝稱萬壽於堯封雲筑薰琴合九成於鈞奏鳧藻之情已洽露簫之渥方濃日等並愧髻齡欣逢聖世願進交竿之技仰參舞羽之行未敢自專伏候進止

方七十九

三

而

勾雜劇

麗服整容崇牙眩采暫闕來雲之曲少留曳爾之行俚優技之叅呈奉皇情之式喜宮商徐韻雜劇來獻

放隊

鳳簫更奏雞刻潛移幸資折俎之歡已徧流風之態各齊綴兆徐整巾幘再拜天階相將好去

集英殿秋燕教坊致語

王

岐公

高扈登秋美塗盛之已穀需雲命燕嘉飲食之維時况寶曆之逢熙復皇居之乘豫樂與群臣之飲翕同万物之和恭惟尊號皇帝陛下德邁前王仁敷中寓虎旗犀甲韜兵武庫之中桂海冰天獻賁彤墀之下邦有休符之應民躋壽域之康候爽氣於重霄置清觴於別殿下珍群之鴻鷺發和奏之笙鏞於時日上扶桑風生閭闔度芝蓋於丹城降金輿於紫闈百獸感和來舞帝虞之樂群生

遂性如登老氏之臺固已追平樂之勝遊掩栢梁之高會巨謬參
法部獲望清光靡揆才蕪敢進口號

翠輦鳴梢下未央上官齊望赭袍光霜清玉佩中天響風轉金鑪
合殿香山路勿驚蓬島近畫陰偏度漢宮長年年方寶登秋後常
與君王獻壽觴

勾合曲

露泛帝觴凝九秋之顛氣星聯朝弁燦初日之祥暉方魚藻以均
歡宜蕭韶之合奏宸遊正治樂節徐行上悅天顏教坊合曲

勾小兒隊

燕觴飛羽方歌湛露之詩廣樂擬金已極鈞天之奏且命游童之
綴來陳舞佾之容上奉皇慈教坊小兒入隊

隊名

紅茵鋪禁地

絳節引僊童

問小兒隊

方七十九

宸庭廣御仰作太紫之躔鈞樂更和曲盡咸英之奏何處采髦之
侶輒趣文陛之前必有所陳雍谷敷奏

小兒致語

舜帝深仁衆極慕羶之樂周家盛德時歌在藻之娛矧逢下武之
期屢洽登年之瑞張君日之廣燕煥今古之多儀恭惟皇帝躬神
睿之姿撫休明之運禮樂兼于三代文章邁於兩京矧乃武庫韜
戈戎亭徹候百變一作走南踰銅鼓之鄉萬里謳謠西出玉關之路
今則清商應律滯穗盈疇奏肆夏之音事軼元侯之鄉食詠嘉魚之
什禮交君子之歡足以崇勝會於難追騰頌聲於無既臣等生陶
醲化謬齒伶坊雖在童髦嘗習舞干之妙輒趨君陛願隨樂節之
行未敢自專伏候進止

勾雜劇

華旌伍影觀童舞之成文畫啟收聲識鈞音之終曲助以優人之
伎卜為清晝之歡上懌宸顏雜劇來歟

放小兒隊

銅壺遞箭屢移宮樹之音鷺羽充庭久曳童髦之綵既闕韶音之奏難停舞綴之容再拜天堦相將好去

勾女弟子隊

華簪照席再嚴百辟之趨寶帳更衣復覩中天之坐宜度仙磬之曲更呈舞袖之妍上奉皇慈兩軍女弟子入隊

隊名

宮錦祥鸞下

仙髻采鳳來

問女弟子

金徒緩刻延曠日於壺中翠羽飛觴醉流霞於天上何仙姿之綽約叩丹陛以踟躕須有剖陳近前敷奏

女弟子致語

候迎霜降屬百工之告休歌起鹿鳴見群臣之合好矧萬幾之多豫復千載之盛期啓燕良辰騰歡綿萬共惟皇帝嚮明紫極儲思

岩廊邁三皇五帝之風紹一祖二宗之烈候亭相屬不齊万里之

糧年廩屢登又美曾孫之稼時及授衣之候民多擊壤之嬉廣慈

惠於兩儀慶升平於茲日玉觴盈醴均流湛露之恩翠虞擬金合

奏洞庭之曲感福休於靡極召和樂於無窮共等幸違昌時預陳

法部舉聽鏗純之節來參蹈厲之容未敢自專伏候進止

勾雜劇

鸞拂宮茵極七盤之妙態鳳儀僊曲終九奏之和聲方錫飲之窮歡宜秦優之進技宸顏是奉雜劇來與

放女弟子隊

官花剪綵恍疑天上之春海日銜規忽覺人間之暮宜整羽衣之綴却回雲島之遊再拜彤庭相將好去

集英殿秋燕教坊致語

趙寶文

堯野登年化民雍於萬國錫京流飲徧君樂於群臣候屬良時事歸華且宜皇居之肆會罄率土以均休恭惟皇帝受命當天右文

嚮道比屋盡可封之俗三邊無不諫之民干戈包載於虎皮劍戟鑄成於農器承顏長樂萬歲孝之承承布政明堂迪文心之翼翼今則場功告畢國步承平霜清桂苑之塵日上龍樓之影轉丹蹕於蘭路下瑯輿於玉庭金奏賜於天風羽觴飛於帝坐張樂洞庭之野未盡勝遊置酒顛大之臺徒夸妙戲豈如聖日常奉皇歡臣等謬處伶坊獲趨禁所敢呈口號上浼天聰

秋光紫翠動南山天上傳呼御燕頰一部梨園吹鳳曲九重丹闕對龍顏日華初駐金輿仗霜彩猶浮玉笋班欲識君臣同樂處萬箱登歲五兵閑

勾合曲

金風日爽方登萬寶之秋黼座天臨適啓三山之宴宜按紫雲之奏佇觀丹鳳之儀上悅宸顏教坊合曲

勾小兒隊

蕭韶送奏自通天地之和日月同華方協君臣之樂儻八佾之舞行不進則四方之治象何觀徐韻管商教坊小兒入隊

隊名

風雲歌沛水

金石會虞庭

問小兒

鏘然九奏合干丹陛之前髡彼兩髦來自絳帷之下旣動容而獻技宜緩頰以興辭進步前來分明敷奏

小兒致語

游魚戲藻蓬錦飲之多娛舞獸儀庭感舜韶之新曲茲為勝會允屬配宸恭惟皇帝紹五聖之閑休對兩儀之鴻施仁風翔於月窟聲教燭於冰天物生阜蕃民氣清靜靈臺偃伯玉闕無夜柝之虞儒館獻歌槐市有夏絃之樂屬萬機之豐巨豫會百辟以均歡清醕交傾大庖旅進樂遊未已恍若壺中之觀盛事難名殆匪人間所有巨等夙陶皇化蚤隸仙坊母戲康衢已嘗聽於雅奏進瞻法座更願奉於宸顏未敢自尊伏候進止

幻雜劇

鼙鼓凝簫已聽鏗錡之奏綵衣佞服未窮斐眇之觀宜命仙優上承帝悅金絲重韻雜劇來歟

放小兒

楓宸影轉花漏聲遲御醋飛觴已奉釣臺之真童衣收綵却還沂水之遊再拜彤墀相將好去

勾女弟子隊

羽帳重披降氤氳之瑞氣玉觴再舉導宛轉之和聲百禮交修群臣具醉正皇歡之霑洽宜妙技之翩躚徐韻清商兩軍女弟子入隊

隊名

舞隨驚燕起

歌落貫珠圓

問女弟子

翠鬢青縹緲疑綵鳳之相將紅袖翩翩訝驚鴻之欲舉想是蓬山之侶來同瑤水之遊必有叙陳分明敷奏

方七十九

七

丙

女弟子致語

朝野多歡游豫爲諸侯之度君臣同德燕樂慰嘉賓之心矧屬昌期具稽前美恭惟皇帝功逾禹儉德邁堯聰發號令於風霆炳文章於日月朱于偃武自彌怨於西夷玉檢登封訖告成於東岱于時肅霜凝氣流火沉光瞻黼帳之洞開命瑤觴而迭進仙徒緩箭宮綵飛花聖日舒長助宸遊之多暇人心和樂感韶奏之新聲固以掩高會於栢梁軼勝遊於平樂妾等逢辰有幸執技非工暫拂塵衣來造丹塗之地仰瞻法座願呈迴雪之容未敢自尊伏候進止

幻雜劇

萬樂高張旣侑需雲之會群臣具醉齊霑湛露之恩方暫戢於舞容宜載陳於優戲天顏是奉雜劇來歟

放女弟子隊

金壺遞箭潛移寶曆之光玉笋飛筵屢極鈞天之奏宜整五雲之馭却陪三洞之遊再拜夫階相將好去

聖節錫宴

壽寧節致語

揚 大年

木鐸揚而金革偃是八方富庶之時黃河清而里社鳴乃萬乘誕
生之日朝野共歡於無事寰區同慶於有年星流電繞以呈祥沒
羽浮琛而入貢四時大順正當北陸以迎寒百辟歡呼共指南山
而獻壽壽皇帝陛下誕膺景貺奄有中區慈仁高掩於禹湯述作遠
齊於軒昊萬機甚衆孜孜不廢於躬親一物雖微汲汲唯憂於失
所制度更隆於三代封疆已極於四維坐明堂而玉帛駿奔創延
閣而圖書燦積若乃運九天之眷筭決千里之兵機靈旗聊指於
西戎使消氛稜尺詔暫飛於南國已靜要荒陰陽諧玉燭之和北
庶享華胥之樂兩岐瑞麥呈祥於隴畝之間三秀靈芝薦瑞於京
畿之內至德上齊於覆壽壽遺黎幸覩於升平適逢載誕之辰乃是
就盈之月瞻風候氣咸奔魏闕之九重就日望雲盡仰堯眉之八
彩率土慶千秋之節上公稱萬歲之觴栢梁旣揖於衢樽蓮界仍

方七十九

八

丙

開於鎬宴奏蕭韶之雅樂張玳瑁之華筵鷄鷩千官共祝後天之
筭簪裾四坐同瞻少海之光伏以皇太子殿下位正青宮化行赤
縣周寢見問安之盛漢官彰視膳之榮大王大王國公國公稟秀
天枝儲祥日觀享魯衛疏封之貴掩間平好善之名首聽相公社
稷元臣朝廷舊德四海悉歸於陶鑄一人方賴於謀謨樞密太傅
志切公忠才推康濟掌樞機之重務運帷幄之良籌東廳參政學
洞古今望高中外演廟堂之成筭慰寰海之具瞻西廳給事識量
淵深規摹宏遠效仲山之甫袞同伊尹之調梅樞密給事道濟生
民才高王佐蘊致君之明略懷經國之遠圖樞密諫議闕里大儒
傅岩良弼温樹尤彰於績密青蒲屢獻於謨猷復有教諭官繼焉掖
之鴻儒雉首烏臺之高列武班乃韓壇之上將內職皆漢幄之近臣
恭逢華渚之辰並預祗園之會今者天高氣爽日煖風和銅壺之
漏刻初長玉笋之歡娛正洽香焚百和白龍宛轉於簷前樂奏九
成丹鳳婆娑於砌下且向精藍之地同銜樂聖之杯旣觀天上之風

光須醉壺中之日月某叨居樂部幸對齋筵不度蕪才上呈口
號 九重宮闕起祥煙百辟稱觴鳳袞前殿上已聞飛玉笋人
間還許宴金田絲篥競奏咸韶樂簪組齊登錦綉筵欲識君王壽
多少天皇一万八千年

興龍節前筵致語

方澤

電彩繞樞肇建壽丘之德瑤光貫月爰開若水之符夫何神聖之
誕期必有休祥之來契千齡協統九域胥歡恭惟日躋光明天錫
勇智運精神於宵旰克勤儉於邦家咨伯益而舉臯陶繼有虞之
嘉會虜樓蘭而焚老上振大漢之天聲時惟守土之臣幸預加蓬之
宴傾心委質徒馳北闕之誠就日望雲願上南山之壽 鄒律迎陽
化景遲千年寶運應昌期春風合殿金貂列曉日鳴鞘玉仗移萬
國梯杭皆入貢九重麟鳳亦來儀堯仁已見覃區外願罄封人祝
聖詞

興龍節後筵致語

方澤

星彩開祥浦女啓金天之號土行叶德河龍效玉圖之文矧乎席
六聖之洪基接千齡之盛統有生均慶異代同符共惟德懋法天
孝隆述志方機之務躬覽於聰明八紘之微悉躋於仁壽爰逢華
旦獲覩履儀載頒合宴之私以及分茅之國彤墀阻徒傾就日
之誠寶曆無疆第祝後天之筭 鬱鬱形闡瑞氣浮生民稱壽滿
皇州金吾萬卒嚴宮衛玉荀千官拜冕旒已報偏師恢月壘更聞
驍將落旌頭下臣仰祝無窮筭爪戩絲絲過有周

天申節錫宴致語

劉夷叔

南風薰兮適解吾民之愠離日麗也乃觀天下之成必於是時篤
生上聖惟簡之心可見以行與事而知澤在四方祥來諸福伏惟
皇帝剛健淳粹徽柔懿恭紹開中興光啓大業苟可致時之利者
不憚屈已而行之念九重夙夜之勤皆百世帝王之義止古公於
岐下蓋不忍殺人而君遵大舜於海濱將終身為親以樂酌諸輿
頌應以履休千八百成周之侯行皆觀會二九万流訖之紀坐閱始

終臣等職在伶官身逢華旦英華韶護幸司魯岳之觀日月岡陵
請詠周詩之雅恭裁口號遠冒嚴威 智勇從天立太平福祥如
海貯康寧色齊早應魁二象夢與猶卑帝九齡不見大羊窺紫羅
遙知鶴鷺表彤庭明年此日尤堪賞混一車書繞四俱

當聽致語

為天子之守拜二千石之榮方聖人之生致億万年之祝心之惻
愍事絕華夷况牲牢饗餼皆冒上恩而皂隸輿臺許同燕樂逢辰
如此不醉謂何伏惟某官大奮英謀亟膺臚仕職聯環衛曾窺規
於清光手付撫益便蕃於睿渥其官載其家法列在王朝抱韋
相之遺經盡收餘烈贊魏公之舊笏豈在他人究觀許國之忠並
見愛君之篤舉樽相屬其樂未央殊異曩時細酌成都之酒不妨
拜賜共歡漢詔之脯某監廁吹竽竟同擊筑少佐歡娛之洽輒裁
口號之詞 邊廷無事飲為秋况復佳時樂事優野水添杯真不
辨南山獻壽若為箕壽可憐頗牧同時見恐有鄒枚後乘收欲繼周

方七十九

十

丙

入天保詠急傾滄海染銀鈎

王母祝聖

無率土以非臣豈天下三分有二祝聖人而使壽聞山呼萬歲者三
雖上下仙凡之殊塗而愛憎嗜好之一輒敢鋪善頌允屬僉辭伏
惟皇帝稽古而行用乾以則念祖宗家法之懿一本於仁混南北
聖度之餘相忘以道捐氛不勞於億萬好生乃及於細微法禹泣
辜憲湯開網惟上天之陰隲自我民之聰明俾熾而昌惟德是輔
臣妾藐處流沙之裔側聞大曆之興遙望闕庭敢形歌詠
閭門啓鑰曉如雷雜沓群仙佩玉來白鳳凌雲回羽扇翠龍移日
下宮槐九嬪侍輦移文母百辟稱臣捧壽杯遠憶瑤池舊承宴蟠
桃花好又重開

當筵致語

簪裾儼序金石和鳴屬山陽歸馬之秋慶華渚流虹之候少留賓
從願畢餘歡 詔分壽爵年到邊廷將上榮光錫百朋試謂揮戈回

落日金壺有酒尚如繩

放隊

黃堂日晚紫府路遙瞻望台階相將好去

天申節錫宴致語

方澤

勾王母隊

南陽真人紀赤光之照室西崑阿母隨青翼以造庭可無大椿之
辭仰祝後天之筭

啓朱露之宮政三十六天之第一上翠華之壽期万年千歲以無
窮敢傾葵藿之誠仰效阜岡之祝

再問

既乘鶴駕來自蓬山願賡三壽之歌式贊九重之慶

再答口號

紫簡玉童又報流虹之日瑤池羽袂再傾向日之誠不辭弱水之
遙來上南山之壽恭惟皇帝祇承上帝誕受多方躰乾剛獨斷之

方澤

十一

百

明得天道不爭之勝烽銷鴈塞休兵長閉於玉闕香靄龍樓間寢
每趨於長樂諸福之物萃至九功之德可歌屬離火之方中政露
囊裏之紀節要荒異域咸修任土之儀富壽多男盡副封人之祝但
臣妾等名標三洞跡寓十洲王為液而金為將聚風為翼而雲為子
桃三千年而一熟瓜歷四劫而後成調六天之鈞動五雲之曲來
茲仙侶上祝堯年遙望闕庭輒進口號 西崑瑞翼下丹霄遙望
鶴縹緲拱赭袍長樂只知鍾漏永朔方無復陣雲高光明不異千秋
鑑顏色長如萬葉桃來上君王千万壽相將依舊鶴鳴皋

放隊

奏蟠桃之觴壽永齊於箕翼駕此紫雲之輦路復返於蓬萊再拜瞻
天相將好去

聖節錫宴致語

陳無已

巨門千齡接統爰開後聖之期万類效祥宛同先佛之日永惟昌
運屬此與辰四海交歡同聲稱慶共惟 皇帝陛下由獨智之聖

以庶物爲心睿武自天文明燭物有堯舜之道而博施濟衆有文武之道而居安資深刑政並修登斯民於壽域干戈不用還千里之故封方當隆盛之期迨此誕弥之日凡茲臣庶孰不傾瞻臣幸以賤工邁斯盛旦願効封人之祝顯陳大雅之詩 劍珮聲來合玉除騏驎煙上暗金鋪近臣先識天顏喜九奏初知畫景舒東海爲田將幾見南山稱壽已三呼欲知帝力今多少醉舞行歌塞道塗

天寧節錫宴致語

祝 咨謀

天地協氣共扶帝祚之昌星電發祥果見聖人之出慶誕聳瞻於天上賜筵下逮於人間伏惟皇帝陛下粹然龍鳳之姿皎若天日之表出應直嘉之會正居泰定之時况乃應鍾寶當陽月四序已諧於鳳曆十萸競秀於天階聖哲肇興中外咸覩殊域貢琛球之瑞在庭振鶴鷺之容三十六宮盡生喜氣百千方歲永御皇圖蓼蕭祗荷於宸恩湛露廣開於綺燕拊石擊石咸稱北面之觴就日望雲願獻南山之壽敢呈口號上祝皇齡 律動應鍾方協氣奠垂十葉正芬芳九天眷命符堯舜四海傾心見禹湯山嶽豈徒千歲久乾坤應有万年昌遐方稽首瞻天表更聽歌謳奉玉觴

天申節錫宴致語

鄭 燕

鈞天九奏遙瞻大帝之居嵩岳三呼敬效封人之祝幸遇霽雲之樂咸傾就日之誠恭惟尊號皇帝陛下道合混元功參太極寶慈寶儉聖人德何以加得壽得名天子父尊之至授重華而協位執妙契以凝神得四表之歡心享一人之至養未央殿上受皇帝之親朝長慶樓前聚老臣而稱壽臣等歌詠康衢詠諧樂部仰日月光華之日載遇虹流聽雲韶揮布之音願陪獸舞恭陳口號上祝鴻齡 一聲敬言踴慶雲從向曉來朝大帝宮琴奏五絃歌永日真飄六莖舞薰風未央前殿歡聲震長慶高樓瑞氣融好是玉卮稱壽處堯衣端拱舜韶中

王母致語

侍宴瑤池猶記流霞之醉儲休甲觀又瞻繞電之祥從西極以飛

來頌南山而拜舞共惟疑神物表觀象帝先淵默端居尊為衆父
之父逍遙清境德合昊天之天視黃屋而非心玩元珠而自樂永日
方縣於堯曆董風緩度於舜琴五百歲春五百歲秋不數楚南之
木一千年花一千年實長觀閔苑之桃臣妾等久處龜臺曾陪駿
御採玉枝而卜壽贊寶錄以長生高詠洞秋敬陳善頌
青鳥傳呼急管惟霓裳縹緲下龜臺傾心願佐華封祝舞袖飛從
閔苑來弱木枝高長不老蟠桃花好幾番開天皇一万八千歲常
向瑤池奉玉杯

當筵致語

流虹紀瑞僕景命於万年湛露頌恩備太平之五福星趨會弁雲
擁泰階恭惟判府安撫樞使大資紫闕樞衡清都斗輔未央前殿
望太極之一星長樂雄藩擁東方之千騎廟筭夙據於金版臚傳
曾贊於玉色對揚天子之休均錫諸侯之燕傾心魏闕拜手倪觴
宮使閣學尚書禁路耆臣甘泉舊德久勞侍從寓延閣以居家均

方七十九

十三

迭燕申奉殊庭而福國知宗中大振振信厚顯顯英豪棣華資糾
合之功瓜瓞衍縣長之慶提刑中大道揚德意宣布詔條同躋仁
壽之風協致太和之治五百年而並堯舜共際昌辰八千歲以為
春秋咸伸善頌某等叨居末技獲奉歡顏輒採民謠敬陳口號
久向清都侍玉皇袞衣猶帶御爐香樞星瑞色連天闕湛露均恩
到海鄉瓊弁充庭趨式燕玉卮前殿想清光明年花發千官底獨
押班頭立未央

天申節致語

鄭

庶

虹霓呈祥表上聖誕弥之月乾坤等筭効巨鄰祝頌之誠運際亨
嘉歡騰遐迩共惟治隆三紀道冠百王無前之績對天之休既已
懋太平之業游心於淡合氣於泊乃從造物之遊粹万機庶務之
勞受五日一朝之養惟成功而不有宜得壽以無疆重華協濟於
昌辰載夙忻逢於穀旦神祇薦祉日月增輝璇霄遙現老人星瑤
池下降西王母未央長樂年年觀清蹕之臨率土普天永永效華

封之祝臣等幸生聖旦叨備樂工遙望闕庭恭陳口號

電樞星渚載呈祥鬱鬱葱葱瑞聖王鳳紀難逢千歲曆龍章親
奉万年觴道高今古皇風遠恩洽華夷湛露灑華邑小臣何以報
帝齡遙祝與天長

天申節致語

一人有慶正薰風入奏之時萬福攸同均湛露疏恩之寵幸于今
而親見放歷古以難逢共惟玩意希夷儲神淡泊垂衣三紀德新
日新而又新脫屣万機道大天大而亦大與陰陽相為終始殫竹
帛不足形容合万國之歡欣慶九重之嘉會誕弥厥月仰瞻北極
之尊降康自天永祝南山之壽但臣等叨為樂部喜際昌辰遙望
闕庭恭陳口號

真人降誕下中天好是薰風奏管絃四海幸逢千載會兩宮齊賀
万斯年酒浮玉斝饒春色香噴金爐霽瑞煙遙想龍章親上祝
壽如山岳福如川

方

十一

聖宋名賢五百家播芳大全文粹卷第八十

樂語

生辰

皇太后生辰致語

祝

咨謀

電繞星樞上應夢龍之瑞虹飛霄漢允符吞鳳之祥皇天垂象於
母儀厚土效靈於婦道享宗社喜溢神人恭惟皇太后殿下道
高唐虞德邁任妙覩天之妹續女維莘蘊懿姿於鳳龍降淑表於
天日端有二南之化聿追三代之風家道熙熙采苜詠和平之美
子孫執事畏蠹斯稱衆多之宜霓裳每陋於綺羅玉食久遺於滋味
雖塗山之莫及彼媿媿以奚攀下順坤元陰陽和而万物理上符
乾造日月照而四時行時歷艱難天其眷祐鑿鑿遠歸於沙漠聖
躬近抵於中華母子如初實爲千載之一遇室家相慶至於万口
以同詞衆識太任之心一寬成湯之網恩覃動植仁冠古今恭惟
皇帝陛下堯舜聰明皇夔輔相行不忍人之政以若稽古之心道
格亦更孝動穹壤表章夫性奉順母慈民息兵銷旰食尚勤於聖
政冬温夏清綵衣再戲於庭幃適當聖善之誕辰用祝天齊之眉
壽吹龍笛而擊鼉鼉鼓奏鈞天之新聲壓小槽而滴真珠尺瑤池
之沉醉巨涵濡聖德生長太平承家孝之一經竊鄉書之兩薦目
此鉅慶耳所未聞材猷无補於朝廷草木難酬於雨露近瞻象闕
阻奉瑤觴同与海隅之人共慶華封之祝老人呈瑞顯万壽之无
疆天德出寧賀一人之有慶臣不勝欣躍輒奏詩章 君王仁孝太
常高又得師臣輔相臯太母亦盍回天眷祐老人星見斗維象夢龍
事協生明主吞鳳祥符產層髦祝壽幾何詞謾費擬尋王母問蟠桃

李丞相生辰致語

翁

起子

門浮紫氣有青牛道士之遺風候屆朱明乃碧落侍郎之誕日共
惟某官望高四海名重太山言行爲百世之師文章擅一時之譽
遠帝座千八百之里雖絲卧於煙霞侍國輔三十六年佇催還於
禁陛某等忝居樂部叨預伶官輒對台階上陳口号 水自明廉闊
捲薰風壽語聽傳絲竹中四海方將望若弼一溪那得擅文翁

錦筵別有蓮花妙壽臉爭荔子紅聞道明光已飛詔使君早
晚對宸聰

高侍郎生辰致語

翁 塞翁

梅拚南枝卓冠群芳之首日旋北陸坐疑六子之功屆此休辰宜
生碩輔恭惟判府侍郎鈞璜流裔浮磬儲祥長庚獨殿於列星巨
栢後彫於衆植孕壺亞鄂渚文章蘊得助之江山仗節淮壩威望有
知名之草木爰持徒案出鎮雄藩寬帝心宵旰之憂當用方固古今
之寄自非魁舊曷際風雲方太皞之司寒協大人之上慶用伸善
頌仰贊遐齡伏願侍郎三壽作朋百祿是荷功保汾陽之終始德
符周相之期頤惟石岳石長翊南山之壽泰階兩二永扶北極之
尊輒採輿言上陳口号 天上麒麟瑞世時龍梅初圻向南枝氣
鍾沔鄂江山秀名滿乾坤草木知節義中朝新柱石文章多士舊
著龜顧將元斗還公柄尺挹銀河作壽卮

生辰致語

劉 忠遠

地結雲冰初兆三乾之慶天開萱莢方占六葉之祥荔荔佳氣登
層雲靄靄瑞煙迎曉日頤茲碩德生此令辰恭惟某官參并儲休
岷岷育秀阜馳英文掞東膠鷲序之文晚綴清班從西掖亦爲臺之
聽當急流而勇退寧修翼而卑飛息意弓旌方懷丘壑爰值始裘
之月慶逢孕主之辰坐上群簪朋盍尺登瀛之侶門前都駟鼎來
皆賀履之賓髮欺雪而重烏顏渥丹而再少頗爲瑤池霧集洛浦
春歸宜憑絲竹之音仰祝松椿之筭 不貪青瑣鳳也頭歸赴岷
峨杖履遊鵬翼遲回九万里椿榭迢迓八千秋瑞庭驥子皆仙骨
密坐鶴行尺貴侯此日德星兼壽宿香醪莫惜泛金甌

生辰致語

劉 夷叔

化日漸長梅花逢驛使之候高門有慶桑弧發男子之祥式陳燕
觴以樂勝事伏惟某官風姿凝遠識宇粹明早就師而讀一箱壯
從官而飛千里以大臣子常安州縣之卑官異小人儒頗傳文武
之大李鳩來監郡自曰隨緣時無少陵孰酬常侍之句世有呂牧

始識王祥之才雖然歲設之有餘固以德服而自化迨此生申及甫
來歌俾壽而臧况乎某官踵平勃以交歡指王謝而修好不憚多
費酒如澠而肉如陵豈其固辭君當酌而吾當賀忝居樂部得侍
華筵欲佐歡棕輒呈口號 相逢樽俎定宜開况是今朝祝壽來
蓮葉釀新宜試飲竹枝歌陋莫相哈家風久已門施馬仙骨懸知
背似駘留滯邊城且毋怪詔書行過楚王臺

宴錢

宴蔣丞相致語

陳 德明

湖山改觀屈持斧之重權樽俎相逢對秉鈞之真宰初筵肆啓和
氣一新恭惟某官秘殿上游黃扉宿望起文章而陟大位徧歷清
華享富貴而歸故鄉尤高恬退已趨歸東之詔行膺虛左之求我
某官繼石林先生之風當綉衣使者之任暫開雄府首燕嘉賓左
相飲如長鯨足知海量即官上應列宿幸接台光朱顏綠鬢兩相
輝明月清風平分破十眉環坐千拍調絃追洛陽花酒之春振江

左衣冠之地某叨居伶部獲造鈞埤仰佐清歡輒呈口号

宴蔡侍郎范大卿致語

方 澤

樽俎娛賓武子致加邊之享簪裾映座齊侯有撤席之迎非惟備
物以多儀實亦序賢而合好伏惟某官以碩德雅望撫五領之重
鎮其官以美才休譽居九列之清班當王緡膺受之初適使旆徘徊
之地而某官肆筵敦契張樂交歡宜有詩歌以資宴集

郡仙高步集琳宮新命中來此地同一座冠纓輝曉日滿城歌吹
咽秋風傳聞嶺徼亦羌龍言想見朝端器業隆從此蒼生俱拭目他
時廊廟兩元功

宴楊參政端第致語

晁 子西

朝廷大臣既乘駟馬安車而去位郡縣長吏當奉養牛上尊以至
門是固國家之舊儀亦表里閭之盛事恭惟某官仕官而遇明主
富貴而歸故鄉名遂功成蓋聞君子之大道年高德邵實兼天下
之達尊雖在燕間所且優禮知郡敬以折俎陳於宰庭鯁祝在後

而餽祝在前敢忘本朝躰貌之意庶人繼粟而庖人繼肉庶幾諸
侯奉事之恭通判搢衣以趨正襟而立饋醬於大宰須進禮而示
尊侍坐於先生願奉觴而爲壽公等創逢高會述考前聞蘇栞城
顛沛而不歸喜孫文懿安榮之復見輟具善頌以抒下情
遶屋扶疎草木高曉張翠幙拂青霄初陳樽俎歌子夜便資園林
如午橋攢見黃封曾賜醴少留赤舄未還朝歌呼肯伴長安吏誰
道尊嚴絕百僚

宴張節使致語

孫仲益

碧油開道共欣凱奏之還早蓋迎門大放賓筵之盛共惟公官名
高八陣氣蓋諸公奇謀參玉帳之籌妙東注楓宸之眷方上聖推
轂軍門之日正偷兒弄兵草莽之中折箠一麾投戈四潰鐵衣百
方尺歸細柳之營珠履三千坐南紅蓮之幕知府待制共陳燕豆
暫駐旌麾歌鼓千霄篳壺塞路盈閣卷珠簾之雨舞綉生羅機之
塵風起雪飛百花倒瓊艘之綠河傾月墮千葩摧蠟炬之紅
秋風獵二卷紅旌賊壘忽二唾手平笑倚柁樓天上坐卧聞鼓角
地中盡九門合還追鋒去千里謹呼負弩迎從此三吳傳勝事一
時草木尽知名

宴注帥致語

熊子復

制壺閩山屬機廷之大老經塗建水遇冊府之高賢乃留帥節之
行以受侯藩之宴共惟安撫樞使相公道闕百聖功蓋兩朝蚤辭
黃閣之除還就此系辰之列漢京三輔此旣弭於旌麾周國十連特
改額於斧鉞擁被練數千之卒經提封爲弟之州而我知府祕監
數文嘗接武於書林亦協心於言路雖大帥過其府宜依節制之
尊然兩君在此堂得叙京華之舊霞盃激灑星座熒煌輒控心
誠具陳口号

兩朝注意屬經綸勇退班仍寓此念宸曾幹帝

樞通北極暫分帥壺向南闕元戎道出吾新府太守郊迎是故人
飲量吸川何惜醉即歸廊廟秉洪鈞

宴孫發運致語

方澤

四牡出疆昔聞專闡外之事千艘坐運今將半天下之權清朝肇
降於言綸故里先驚於衣錦伏惟某官高才間世雅望奮時蔚然
延閣之英復出漢庭之右倉箱充實方畝餽餉之功使節光華夙
有澄清之志而其官曲躬嘉好式身多儀宜有頌歌以資宴集
玳筵高啓見冰壺落落英標竦坐隅持節舊聞雄外屏飛芻方見
給中都江城和氣先旌旆淮浦秋風滿舳艫看取漢家蕭冠業莫
稽雲際送雙鳧

宴酌獻供奉致語

方澤

樽俎娛賓武子有加邊之耳簪裾映座齊侯致撤席之迎矧將命
以勤王且因時而薦廟欲序賓賢之禮多申儀物之私恭以其官
又服禁豸夙膺宸眷天威咫尺思致孝於鬼神使節光華示不忘
於禮樂而其官肆筵設好張樂交歡宜有詠歌以資燕集

卷幕爐薰散瑞煙玉除人此駐華筵風流乍認周郎曲感槩初聞
賀老絃坐上金璫春服麗樽前綵勝晚粧鮮歸時紫殿方承宴重
扈亦鑿輿向九天

宴黃提刑致語

陳无已

西臺報政初聞五月之成東部向風遽失二天之庇是陳七獻之
禮以爲一日之歡恭惟提刑大夫緯節照隣清風肅物有周公之
材美謙以自居如顏氏之孤高敏而好學用經明而治水以德盛
而詳刑果自東藩就更北道知府大夫躬平生之好盡賓主之情
願陳衆志之詞以絕一時之盛

宴蔡總領致語

熊子復

守城擢拜於列卿民方懷舊給餉攝行於會府尹必告新矧華要
之鼎來與高明而契合恭惟奉使總領大卿粹然家李籍甚時名
政術敏妙而每存忠恕之心利源疏通而不傷仁義之躬細書一
札垂當清切之除寶帶萬釘併受便蕃之錫清衷益注瑰壘愈隆
判府殿撰侍郎德自羽儀政仍柯則惟庶民之安其里已遂優游
則兩君之在此堂宜沾燕喜敢陳俚韻用佐歡謠 太府堂堂壯帝

京况同廣武聚精兵郎星蚤即甘棠舍卿月仍供細柳營游刃有餘新妙手伐柯不遠舊能聲一樽且爲斯民樂早晚同歸傍紫宸

宴曾總領致語

熊子復

天塹宿師任莫繁於總餉日畿輟漕選特妙於凝旒纒津聘介之輶即按邊儲之項欣逢紫臺肇燕黃堂恭惟奉使總領少卿與學研幾周才濟剝洞明當世之大務練達本朝之舊章并求可使足民且嘗忘禮樂之事孟子將有利國必首陳仁義之言蚤踐郎曹更躋卿列揮毫而奔万象盍闊步於詞林操筆而制四夷姑究心於糧道而我判府殿撰侍郎屬當共理喜奉周旋交臂而玩石羊笑六代僅全之略比肩而向金馬贊九宸恢復之圖方洪量之吸川更麗容之舞雪敢陳俚韻上佐清歡 卿月家聲妙一時才高自結紫宸知趣還便領闕中漕遴簡仍供塞上師日貨方緡登曉帳歲糧千艦集春期笑談了此應殊拜且向黃堂醉一卮

宴統帥總領致語

繁戎屯戍而邊境少安方制天驕之命連衆戰攻而餽餉不絕並資人傑之才擁麾况輟於南宮傾蓋遂聯於北府恭惟都統兩府大尉智研韜略威震羌胡亞槐府之官儀早隆上眷統柳營之師律益峻中權奉使總領大卿簡在帝心挺有祖烈卿聯應月次九禁之從途使指占星通兩畿之餉道判府殿撰侍郎鼎來共理喜獲周旋三壽作別樽宜開於北海萬邦爲憲會將集於東都敢控鄙誠上陳俚韻 虎貔十萬可橫行偃甲猶屯鐵甕城上將擁旄班二府正卿持節餉連營鼎來况有東方騎疇昔仍傳北府兵三傑同心須輔漢黃堂且共醉京清

宴陳統制致語

群盜緣崖再決辰而假息偏軍擣穴一漏刻以成擒消殺氣於郊原沸歡聲於城郭特起黃堂之宴少延白旆之留恭惟統制舍人妙略驚沉英材驍逸環漢廷而入衛戍閩郡以出屯漳水狗偷屢爾軍揮之拍建山鼠竊又勞馬箠之答參議監丞義薄雲天氣沮

金石揚一麾而假守曾諭寬條抗十乘以臨戎暫評姚畫茲出指
縱之略遂收折馘之勳而我知府郎中雅度包荒清規絕俗令行
浹日即掃潢池之氛化成暮年復剪蕉蒲之孽推成功而不伐設
備禮以有加通判李士督小隊以環攻數摧兇焰通判寺丞佐大
藩而閑決密運奇機于今一會之歡自我五公之協溫如舜月之
輯瑞爛若甘星之連珠各圖万里鵬搏共賦百川鯨吸但某等耳
聽戎捷目覩師還輒叙心懷聊獻口號 蝟戈螳斧謾崢嶸飛將
潛軍一鼓平紅暮貴鄉評妙畫朱輔賢牧講歡盟西郊殺氣翻祥
氣南國愁聲轉頌聲更有屏星雙照坐大家齊賦吸川鯨

宴平江太守

趙 德莊

清香疑寢方需幕府之開紫氣度関斬屈牙檣之駐吏民快覩城
郭生輝恭惟某官名冠時髦才標國棟相門有相妙傳經濟之文
仁者安仁藹著中和之政一節勤勞之終始十年進退之雍容偉
論精深每前宣室之席高情邁往屢厭承明之廬乃眷具門實今

方八十

幾輔輟侍臣之密綴峻閣老之清班景星夜明分野有慶膏雨時
至民物具蘇勝游還付於詞人坐嘯復從於雅志江湖如畫雲日
既秋香徑傳呼榮何如於畫錦金庭清淨氣已召於春臺某官仰
瞻鄰寶之依俯念門闌之舊肅延玉趾爰實羽觴倚岩桂於風簷
掃井梧於月地新歌百轉妙舞七盤主稱千金喜厚歲寒之託河
潤九里恐聆暮召之還某等叨列賤工親逢盛事願技能之无取
繫欣幸之有餘上奉台階敢陳口號 翩 鶴首下皇州凜 虹
旌照碧油紫綬金章香案吏紅柑白藕洞庭秋地震自昔翔鸞鳳
風化從今及馬牛他日定知二節峻良辰姑爲一樽留

宴新守黃侍郎致語

熊 子復

京口要藩護神臯之浩穰宸心妙簡輟僊禁之清華驪歌方徹於
湧金騎吹已臨於浮玉恭惟知府殿撰侍郎道醇而心正才大而
氣剛曾次容方傾之陂毫端扛百斛之鼎第從臣之嘉頌既按國
華分刺史之真符更蠲民瘼旌麾鼎至衙府洞開江轉西來挹鄉

國岷峨之秀山回北顧控邊城淮海之衝覽霸跡於孫劉想戎韜於蔡謝歛此大惠姑潤澤於後方迄其外庸佇經綸於帝所奉使總領大卿屬茲兼攝亦是交永楚尾吳頭設屏固殊於他郡召前杜後肆筵乃會於此堂星座燦煌霞觴激灑畫鼎鯨吸百川之量壯鵬搏万里之圖敢叙心期仰獻口號 六聯事簡獨司戎亞旅才高試外庸仙殿西清聯寓直神畿北固屬提封岷峨遠挹鄉閩秀淮海前遊敵境衝聘傳已交戎索靖春風歸聽景陽鍾

宴新守致語

許仲啓

發朝甫陽程自兼於便道把麾江右時適際於景風民喜迎來禮均飲至恭惟某官韞浩浩淵之道擅渾之醜之辟昔聞二品之加官合施行馬今覩一門之群從俱託登龍况毓秀端明李士之鄉而鍾慶元英先生之胄有嚴廡仕於赫貴名俯就小朝廷之遊嘗膺古子男之寄果飛特薦往貳元侯四明蓋等於蓬萊茂著海沂之績千乘爰分於符竹甫頒度嶺之春初縻俟於瓜期即密

方八十

聯於荷綴某官偶成願借久欲賦歸雖六託契於交承何異相逢於邂逅奉三年之計豈吝於告新陳九獻之儀尚幾於從厚滿况宜城之酒靜凝燕寢之香蔭楊柳之絲舞衣霑汗對芙蓉之面面歌扇生涼旋及旅禱不妨談笑某等本无他技曷佐清歡號令弗更此日仰瞻於李郭規隨共守它時同慶於蕭曹姑竭心思借陳口號 山路崎嶇李井參使君五馬至駁高標自魯千尋竹茂閣人推一片金澤比春陽應遠既曩樽中天祿且頻斟交承契厚何妨醉端委遄歸便作霖

宴新守致語

高明父

九重飛詔新虎節於湖湘千里首途建準輿於甌粵顧此樵陽之幸適當騎氣之臨共推某人才閎經濟識造淵微炳然文雅之宗師偉矣老成之儒表早被疑旒之眷屢登要路之津未躡台躔更臨軫域且人生以五馬爲貴嘗聞杜老之詩而大夫至刺史則榮又見韓公之序於煌旆乘輝映渠庭而我知郡中大喜見巨賢孫

留銜色凝清香於燕寢樂旨酒於嘉賓吹竹彈絲八音競奏過雲
回雪群藝俱呈願飛李白之觴以介無窮之壽惟此日之山城遊
逅聊記清歡庶異時之金馬笑談尤為佳話既周散語上獻巴辭
聞說湖湘喜氣開望闕爭指二天來去程休憚臘猶閏到日定將
春共回行色經過輝巷陌清歡留駐倒樽壘主賓俱是和羹手便
合江梅薦一杯

宴忠州交代致語

任子淵

古郡風流難繼宣城之行樂中年感既易增大傳之離愁屬瓜戍
之終更幸竹符之合契聊陳觴豆少駐旌旄恭惟公官岷下故家
江東華胄早擅賢閔之吝晚收文陣之功談笑風生高出塵埃之
表曾懷徑直絕无城府之深官路踐揚吏能藹著奉漢家之寬詔
救巴郡之遠民渤海潁川已上中臺之優最愚溪峴首尚追前輩
之高風惠我一方逮茲三歲懷西山之舊隱泛南浦之歸舟陶菊
猶存雖有兒童之喜召棠勿剪能生父老之思今則公官載念宗
盟夙依德蔭論心道舊惟先世父兄以來問政告新矧自今子孫
之契愧金貂之後續惜畫隼之前征請歌三終爰侑七獻月明後
夜但同千里之懷兩浥今朝且盡一杯之醉敢呈韻句仰佐清樽
撫字心縈遠俗懷歡声騰沸繞巴臺朱轡且要雙旌住畫舸誰令
疊鼓催草滿春池思故國柳含朝雨送誰杯荊州長史身彊健却
望雲帆天際來

餞舊守致語

許仲啓

于蕃既効因為長社之留受代言過式遂甘泉之奏肅陳罇俎少
駐旌麾恭惟公官大雅卓尔不群多聞古之益友本慶源之派別
芘仙李之根盤材號吏師孝知世務繇灯火卷舒之力科第閱三
十年積簿書期會之勤仕官至二千石此邦幸甚其治謂何恤下
邑以捐金化宵民之珥筆五兵自屏百堵孰賢論功鄙管氏之太
卑足用跨僖公之可頌臨深溪而清到底登峻嶺而氣橫空臧厥
或則諸司形不擾之言止其止則半載慰无歸之願洎茲解組共

瞻東粵而去思，佇見出綸正。及南熏而登拜，公官逼繇遠。至若有
數存宣布，去初明號州。在三之節，交承攸寄。守蕭相畫一之規，義
重通家。禮隆設席，芳蓮照水。繁絃尚帶於春，声畫燭成灰。妙舞謾
縈於別恨，銀海空而有酒。所玉山側，而要人扶。公等執藝極庸蒙
恩，蓋又折梅逢驛使。它時請問於寒暄，迎佛送如來。此際愈難於
啼笑，敢陳口號。尽述塗歌。獵二高牙，鶴首東兩餘。歸計一帆風
中和，作傳誠斯寓。平理名堂治，与同對酒告新應。歷二聞歌話別
莫忽。二宗英入就鶴，亦鳥綴玉陞金門。有籍通。

錢和州交代致語

孫仲益

朱幡早蓋，方班楚澤之春。錦覽牙檣，又泛秦淮之月。篋壺塞路，蕭
鼓沸天。紛然卧轍之氓，居有挽鬚之意。恭惟交代公官忠純許國，
豈弟宜民。時推北斗之一人，來擁東方之千騎。望長安之父，馳公
子之心。快楚臺之風，聊共庶民之樂。爰膺妙東，移牧通都。五馬攢
花，難駐雲霄之步。九芝塗檢，貯露雨露之新知。郡侍御夙陳燕豆，
之歡增重。交承之契，十眉環坐。千指調絲，長歌牽獨繭之線。百枕
倒瓊艘之渌，渭城朝雨寄別恨於垂楊。南浦春波，渺愁心於碧草。
天涯万里，一尊同醉。眼愁看月，隋空。盈角孤吹千嶂，曉綵舟橫。曳
半江紅，啼粧尽帶梨花雨。舞袖猶翻，柳絮風只有邦人頌遺愛棠
陰繞屋，自龍葱。

錢沈宰致語

趙德莊

暄風暖景，方欣雛雉之鳴。碧草淥波，忽報飛鳧之引。兒童知恋草
木，含悽顧暮。尔以自怜，念翩然而莫駐。恭惟公官名流第一，間氣
无雙。雖蟠雲夢於胸中，猶鬱鬱麒麟於地上。時和頌美，曾桃李之无
言。吏退詩成，信江山之得助。逮春華之三变，方聖政之一新。民願
借而報聞，課當迂而奏可。車輪四角，徒多轍卧之思。軺傳一封，其
若賜環之召。公官肅故交於新，好啓華宴於芳辰。抚嘉植以賦角，
弓聽鳴嚶而思伐木。歌翻金縷，帳花霧之冥。醉倒玉山，怨星輝
之睽。公等叨持薄技，幸列下陳。上奉清歡，敢献口號。

琵琶洲上。百花開。半是河陽手。自我試問。解龜朝帝去。幾時持節。為民來。江山賴有詩千軸。父老寧无酒。一杯寒食。從今不數日。邦人惟恐詔音催。

錢吏部致語

張正己

天青月白。三台正。而少微明。秋至風高。九江空而渚鴻去。丹闕之鳳思侶。蜀山之鶴離群。顧祖帳之鋪陳。攀華軒而餞飲。寄一言於樽俎。分万里之舟車。自古有行。此別為重。伏惟公官孔門。游夏吳產。機雲初收釣鼈之鈎。便使屠龍之技。魏公善諫。房杜獨知。賈誼盡言。絳灌爭忌。自曾再逐。居東五年。澤畔忘懷沙之吟。天涯无逐客之淚。忠氣貫日。誠心格天。動反席之綸音。先假途於蘭省。公官舊虛徐榻。曾共李舟。朝開北海之樽。夜挽庾樓之客。花溪錦里。念歸雖得僂巢。金馬玉堂。回望即殊塵世。我心匪石。有酒如繩。臨岐雖贈千言。執手不如一酌。自古潯陽送客。愁荻花楓葉滿江頭。今逢東海任公子。歸作商家傳。野舟絳帳舊樽。曾共醉。輶車脂轄也。須投莫從對月。乘明夜却憶南州。庾亮樓。

錢席帥致語

王望之

落花流絮。換九十日之春光。細雨和風。送二千里之行旆。况是宣州幕府。居多上澤賢才。用捧離樽。式張雅會。恭惟知府至仁厚俗。雅量鎮浮湛。千頃之洪波。於人无間。散一襟之和氣。与物為春。自是鳳池之子孫。出為蘭省之英傑。存更都水。久立便藩。政所臨而。有聲才无施而不可名。績既輝於仕路。富貴又臨於故鄉。政已及瓜。民爭卧轍。且以通判登高臨遠。闢館羅羞。講故事於長絡陂頭。設祖席於上東門外。式宴且喜。不醉无歸。使君千騎踏殘紅。雅會清歡。与眾同。但有昔儒留父老。爭知竹馬負兒童。日邊且喜身將近。坐上須教酒不空。鄭圃居民休卧轍。漢庭即欲拜三公。

錢江給事致語

翁塞翁

鴈信催人動。日邊之歸興。亦鳥觴留客。結濠上之歡遊。溪瀉清声。山供秀色。松桂重迎秋色。芝蘭輕送薰風。已拂朝衣。難忘祖帳。恭惟給

事內翰紫宮新使青鎮舊臣穎陽之族望弥高江左之家声不墜
廣庭射策妙年遂擢於甲科真筆代言真賞屢形於乙夜孤剛去
國忠義忘家地靈久借於樵川天意欲還於魏闕曹趣已入陳轄
載投儻非蓮幕之佳賓敢屈掖垣之上客仍遷五馬添作三龍未
應亟問於刀頭將且盡歡於鼎足小亭共樂幸拚醉於南州上國
相逢冀望風於東閣敢无鄙句聊助懽聲 玉虹千尺跨樵溪溪
上神仙樂聖時剛與賓朋同宴喜伏從君相問歸期花香半惹紅
蓮幕酒暈偏饒白接離勸取東山十分醉看二身在鳳凰池

錢沈卿致語

趙 德莊

山川效祉有來膏雨之和象緯宣精歸止慶霄之舊借留不遂遺
愛若何敢賡五袴之歌少致千金之壽恭惟公官珪璋粹美水鑑
澄清宣布德音積有神明之望雍容朝著養成經濟之才眷此甌
閩兩迂符節威令颺馳於流馬光風日轉於甘棠謝守詩名自覓
長城之重曹公相業不妨醇酎之傾乃御秋風爰還帝所雖鳴玉
之升

方八十

十一

腰金而許國抑登山臨水以愁予懷哉我民何以報德交代公官
肅陳高宴款接勝游酒累十觴增重金蘭之契日移三丈坐觀桃
李之陰遠追錦製之相因近想鶴行之共集實子孫之永好爲父
老之美談公等名在賤工目茲盛事輒陳俚語上侑清歡

秋入閩山第一州泉甘竹美鳳凰游詩書舊說常丞相文字今知
沈隱侯寒菊未霜尤可薦衰蘭薄暮不勝愁主人莫忘南來水乞
與恩波日夜流

鹿鳴宴

鹿鳴宴致語

王 望之

冠帶之徒以億萬計朋來幾擬於橋門賢能之士近七十人妙選
可晞於闕里肆奉賓興之禮式諧樂育之勤解元先輩李賦春華
氣橫秋鷄皆蓬海仙山之秀或泮林翹楚之英方賈勇以俱前遂
先登於得俊聲音載好將遷上苑之喬頭角已生只待禹門之浪
其官文章元帥道德主盟大鈞廣播於无垠小子忝蒙於有造文

翁所至首隆李校之風常衮初來亦變詩書之俗速肖賴作成之
德式逆勸駕之儀宮使閣李尚書景泰路日星英躔斗嶽率德表
行儒宗推一國之尊論秀升材鄉老籍六卿之重知宗中大闡前
振後樂善好賢老成百揭於典刑信厚踵承於標的提刑中大澄
清風俗宣布詔條周咨靡倦於詢謀勸勵每崇於文雅亦有同流
之佐共成贊治之功與賢與能登于天府載言載笑承我時髦貴
然來思云乎不喜篚幣以將厚意維繁以永今朝既有嘉賓共鼓
瑟吹笙之樂請陳末技奏回風舞雪之容不揆蕪音敢呈口號
一札芝泥下九天紛二袍雪滿英躔衣冠直比橋門盛俊秀洋如
闕里賢近歲江沙仍漲合明年禹浪好爭先三山自是神仙窟誰
作人中第一仙

鹿鳴宴致語

方澤

嘉魚罩二乃邦家得賢之秋鳴鹿吻二是郡國燕賓之日矧樵川
之曲壤據閩粵之上游臺從耳颺春暉方家之樓閣堂高斯美環千

方以十

十三

里之江山地勝才雄人繁物富佩儒服者數溢諸郡名天下者世
有異人視草玉堂把鰲頭之管轄較文金殿奪龍首之香標况承
六聖之升平復啓千齡之景運下方方之詔循二載之規鄉大夫
興能郡太守勸駕共推知府望重當世才高古人文章超韓柳之前
政事出龍黃之右暫憑熊軾即躍鳳池樂育存心至誠好善負冠
濟二咸遂於充庭賓佩鏘二尽陪於佳燕氣象蓬瀛之景管絃
揚龍鳳之音既榮座主之提衡又慶門生之得路 畫戟門開喜
氣新使君迎送鹿鳴賓廟堂他日陶鈞手郡國今朝勸駕人早晚
獨持黃閣柄須臾平步慈榮宮春諸生欲識恩門外昨夜台星拱北辰

鹿鳴宴致語

熊子復

起常伯以殿藩肇宣美化選嘉賓而充賦榮集初筵文章推豹變
之新禮樂按鹿鳴之舊伏推諸解元先輩研精聖壺振藻儒林獻
賢能之書果借於秋計陳治安之策將造於春廷判府閣李尚書
與李研幾周才濟劇曳星辰之履蚤率屬於中臺擁江海之塵暫

頒條於大府奉使總領少卿懿文振古明識際空分潤浦之符士
嘗資於長育總淮壩之賦帝方賴於經營而况佐州得別乘之賢
分教有泮宮之冷併延舊學同燕公堂万里鵬搏上亨衢而莫遏
百川鯨吸尽洪量以何辭敢叙心懷聊獻口號 由來京現出公
卿化近神都久作成三歲賓興多雋茂二天寵餞有光榮冬風偕
計催行李春日傳臚聽集英更祝兩公趨召節新年政地見諸生
時節燕會

立春宴致語

陳 無己

東風應候欣逢草木之榮廣坐稱觴樂見太平之日恭惟知府大
夫英才蓋世偉行絕塵名義其都掩四科而著目談評諧理傾一
坐以趨風政既頒於中和人樂聞於鍾鼓爰因令節肇啓華筵賓
席雍容願上使君之壽效園翁窈窕爭鳴舍人之詩願紆下情敢獻
口號 霏微臘雪不寒塵收拾和陽作早春一坐尽傾歸盛德四
時難得是佳辰鬢邊綠勝年年好搏下歌声日日新一笑難逢時
易失杯行到手莫辭頻

上元宴致語

陳 無己

佳辰行樂為平世之勝游清夜觀燈與斯民而同好恭惟知府大
夫寬猛相濟忠孝兩全声列慕乎四鄰氣節蓋於一代爰因令節
迨此暇時聊為秉燭之遊用作豐年之觀扶老携幼樂聞鍾鼓之
音疊足排肩願見衣冠之會敢忘溥陋復此敷陳 歡声喜氣塞
康莊妙舞清歌樂未央此節定知隨意好令宵端復為人長粧成粉
白生春色酒瀉鵝黃射燭光報春風光須一醉從來千騎貴東方

上元宴致語

金碧交光疑笠國雨花之瑞宮商遞奏雜漁陽參上声鼓之声况
當三五之良宵獲尺四并之樂事宜為燕集式協時康恭惟公官
嘉謀久著於朝端美政今傳於淮甸與民同樂不醉无歸必資管
簫之歡庶徹箭壺之漏嘉賓列坐照紅燭以驚春妙妓成行鏗珠
簾而唱月敢形歌詠無訐觥觴 一夜蓬瀛綺宴開玳簾高捲月

徘徊歌珠清響必回雪舞袖裊香散落梅十里笙篳喧巷陌百華
燈燭晃樓臺杯行到手休停手從聽銅壺前漏催

上元宴致語

張 正己

功名蓋世古來尚富貴全家人世稀森羅巨室之衣冠修講四井
之燕饗伏惟公官廟堂柱石夷夏藩垣素聞德禮之經每厚閨門
之愛父子篤而兄弟睦茲已家肥鍾鼓設而琴瑟張非爲酒困况
三五之燈夕冠九十之韶陽人心與明月皆圓禮席與良辰和會俯
大樂而兼人樂擅世榮而全義榮莫辭終夕之清歡茲蓋一時之
盛事使府門中別是天上元燈火換豐年全家美祿隨春到列
坐清昆似月圓斐度功名歸社稷謝安公子尽神仙幾番福壽圖
中慶八幅輕綃畫不全

寒食宴致語

張 正己

祥煙瑞景融三寒食之辰白日青天浩浩元戎之府三載美成人
意万花粧出天心有鍾鼓之可陳肯韶華之空度伏惟公官與周

方以十

十五

方召輔漢蕭曹精神動而造化隨節鎮在而關河壯堂上幹乾坤
之運幕中收文武之英伏惟公官河朔名家山西世胄今日支江
之使昔年唐毅之雄再論絲綸主人懷君子之念坐觀桃杏佳辰
感錫宴之時忠臣以魏闕爲憂遠民倚長城之固且同衆樂拚醉
清權 元戎幕下會群仙染出韶華紫府天桃杏欲燃非燧火樓
臺不是禁祥煙樂声浮畫傳霄外春色隨花照眼前只恐來年遇
寒食樞臣入侍禁中筵

端午宴致語

張 正己

薰風再至黃堂靜而日影長午候新榮大火中而天心正萬物以
得相見而樂四時適逢嘉會之亨誰對朱明出司燕喜伏惟公官
長安顯世西漢遺英一身六詔之精神五路三川之衣食十年宸
睠三度繒音雖留錦水之濱已籍瀛洲之上西山採艾永堅醫國
之心華省含香先醉浴蘭之會薰風和氣度黃堂星火中天白
日長圖閣顯榮先鳳閣芸香消息浴蘭香未歸先逐申侯燕旣往

堪嗤楚鼎傷待得金泥降真命中元自是賞秋光

中秋宴致語

張 正己

遠來近悅黃堂靜而白日閑氣爽天高中火流而素秋正欲盡賞
心樂事无非羨景良辰不陳宴饗良之娛莫叙閨門之慶伏惟公官
乾坤粹產海岳靈儲獨寄朝廷之重輕遠作西南之藩翰謂國風
所正在始故治可移於官將寬嘒二之嚴必厚振二之樂列坐五
侯之冠劔同門万石之恩榮飄然清風散作和氣烽煙塞外清如
四序之中秋福壽圖中更寫十分之明月永駐清輝之照每如此
夕之圓四海共天百年同日人生聚散願從樽俎同歡家礼會和
不隔關山相望 沉二邊落鎖烽煙秋色中分八月天万石子孫
森劔履五侯閨闈會神仙酒如天祿全家羨月似人心百歲圓只
此門庭樽俎樂散為和氣滿山川

重陽宴致語

蘇 子瞻

百川返壑禾稼登場新成百尺之樓適及重陽之會高二下下既

休畚鍤之勞歲二年二共覩茱萸之美恭惟公官民人所恃憂樂
以時度餘力而取羨財因被災而成勝事起東郊而壯觀破西楚
之淫名賓客如雲來四方之豪傑鼓鍾隱地聳万目之觀瞻實與
徐民長為佳話 一時柱石壯嚴闈更值西方落帽辰不為游從
誇燕子直將氣焰壓波神山尚遠當時國城郭猶飄廣陌塵誰
凭欄干賞風月使君留意在斯民

冬至宴致語

張 正己

日躔南極來復見天地之心氣應黃宮履長為陰陽之始震雷寂
而群動息坎水叙而百工熙共偶休辰導迎蕃社伏惟公官德性
端茂襟靈靖淵章詞裁班馬之文事業踵臯夔之迹出領藩宣之
重力追教化之純衮衣又賴於弥縫鼎氣尚稽於調飭暫留鈞旆
欵駐龜城挾本擊彊門有諸孤之卹嚴儲削禁民多五袴之誦載
值良辰式陳雅宴几筵並設克全礼物之修觴竿交飛愈重歲期
之亞 昨宵初復地中雷共賀新陽七日來六出齊開岷嶺雪一

枝香動錦江梅細調樂律娛賓席同挹仙醪送壽杯况是舊年无
事日醉鄉何惜玉山頽

冬至宴致語

劉 韶美

律應黃宮值五陰之退聽禮先鄉社喜衆雋之類升聊爲淨刹之
游共納新陽之福公官誠通造化李貫古今踐揚功業之塗慰薦
迹遐之望坤維屏翰一新帥闡之旌麾錦水金魚重見王公之高
目簪纓並集者核集陳幸逢亞歲之佳辰况值叢祠之勝侶日行
北陸已添一線之長與在東山且拚千鍾之醉 瑞氣溶二市寶
坊賓游來自鄭公鄉簪裳雜遝星方聚罇俎從容日下長羅綺叢
中金布地笙歌社裏玉分行良辰莫惜瑤觴滿福海深二未易量

亭船宴致語

劉 君引

楓落吳江冷梅開越水寒洞口相邀盡是劉郎之族岸頭乘興共
登王子之舟道遙東道九華仙儼雅西階三島客是日則有嗣宗
叔姪靈運弟兄父子不戒荀陳聚德星於昭漢賓朋有同李郭羨
仙舸於寒潭施肩吾席上詩成江文通坐間賦就既而輕移畫鷁
蕩一水以波翻細疊靈壘隱千山而響震震金合異時之佳會无此
好溪山蘭亭昔日之後遊未必皆親戚 溪水冷二出武仙二公翁
新上木蘭船不須更入桃源去此是劉郎小洞天

慶賀 禮席

慶帥廳落成致語

張 正己

萬兵開府仗使節以安邊百堵興工壯右公之營室方即舊藩之
燕肇修元帥之居役緩天時人和功倍伏惟公官將垣人傑下
世臣百亦蚩仰之如神明南士愛之如父母念公歸之无所永膺
履之榮安因去故以取新俾息勞而養佚擬題數仞豈惟風雨之
去除壽考百年願與山川之悠遠 南邊千里拓亦爲疆方斧鳩材
架使堂拔地土垣方橐二倚天鈴閣漸琅二一時豈特除風雨千載
應圖藉棟梁屹看老成同衆樂振二公族會元章

慶新第落成致語

邵 公濟

一室寧止克全幹蠱之心百堵皆興允遂肯堂之子念克艱於爲始宜无事於守成既獲烏瞻敢申燕賀伏惟公人孝廉著望清白傳家元弟怡二尤敦於燕翼棟梁奕二不負於慕永既協尔龜乃安期寢雖不加於輪奐實有好於人烏蔣許有三徑之開于公有高門之望良朋萃止清酒既沽咸與樂來不忘禱頌 喬松脩竹立蒼二綠水青山共渺茫衡宇不殊元亮住一區堪配子雲莊也知桃徑留餘蔭更重金昆善肯堂何用區二論宅相具能厚德著流光

太師納孫婦禮席致語

范元卿

至組蟬聯仰周魯一門之盛絲蘿繾綣合朱陳二姓之歡聚况幣以陳儀敬黃扉而啓宴歡傾輦轂喜浹煙霄共惟太師相公道佐甲興勳高振古刻磨日月廓万里之塵氛洗滌乾坤還百年之舊觀宜上天之報施啓奕世之昌榮兩國夫人氣龍清華德全温靚興慶首行於命婦瑶池夙冠於群仙少保公相左棘參聯贊洪猷於帝宰越國夫人赤繩密契際嘉會於天人載看丹鳳之飛翔式此鳴鸞之燕喜爭羨勳門之女來嬪上相之孫勝事艱儔初筵特盛月邊環珮恍驚槐府之天高風裏笙簧爾迥文見人寰之升隔圭組蟬聯慶一門絲蘿繾綣燕新婚蓬亦山下擁真仙子槐府來嬪上相孫錦瑟新翻雙鳳曲玳筵分勸九霞樽雲屏側畔齊眉按長共春光映紫垣

禮席致語

汪彥章

奠幣告期配合既成於五兩消辰協吉綢繆適迨於三星方親合盃之儀宜奉去異替之宴共惟公人淵源李海黼黻儒林妙選无遺始信青錢之價重新吉寡和悉知白雲之句高管振臂以當千幾擅塲而挾兩騏驎一鳴而望燕首越千將百鍊而刺革斬犀豈徒爲江左之文豪真欲繼洛陽之年少鄉人聳慕夙高駟馬之門女黨榮觀今作乘槎之客又欽俊文願締華姻公人譜系清高雅重崔盧之甲族封疆密迹何殊韓范之世昏舊傳逸少之嘉根識長卿之晚初月下隨於奠秀嘉期有協於桃天幸玉趾之來臨結金

閨之永好如借津梁於星漢大開樽俎於桃源衣紫栢子之香帶
動九枝之燭謝公庭廡益添芝玉之芳羸氏簫笙當有鳳凰之
應薄技上逢於綺席羌辭敢侑於清觴九賓珠履會春宵羽
蓋參差次鵲橋應有玉臺供撫扇豈无丹鳳應吹簫一枝仙桂
香全近三月蟠桃色正天看取樽前冠玉客乘龍喜氣近煙霄

聖宋名賢五百家播芳大全文粹卷第八十

